



UNIVERSITÄTS-
BIBLIOTHEK
PADERBORN

Universitätsbibliothek Paderborn

Venerabilis Patris D. Hludowici Blosii Abbatis Lætiensis Ordinis S. P. N. Benedicti Tomus Posterior Margaritum Spirituale

Blois, Louis de

Monasterii Campidonensis, 1672

Cap. III. De mortis formidine moderanda.

[urn:nbn:de:hbz:466:1-45885](https://nbn-resolving.org/urn:nbn:de:hbz:466:1-45885)

CAPUT III.

De mortis formidine moderanda.

1. Mortu metui naturalu est, & in omnibus etiam sanctissimu inveniri solet.

2. Eo non obstante, solent fideles mortem à Deo acceptura fortiter: atque ut hoc doceret, etiam ipse Christus metum illum voluit assumere.

3. Patientia in angustijs morbi & mortu sedulo conservanda.

4. Mortu non debet à nobis gravatè acceptari, cum eam pro nobis Christu acceptaveris.

7. **S**I in te fluctuat & metu concutitur naturæ infirmitas, si tristitiâ deprimeris, & horror mortis sese ingerit: non propterea existimes te à Deo derelictum esse, vel ad eum non pertinere. Nam plerique etiam magnæ sanctitatis viri ac feminæ, morte imminente, pavorem (Deo id utiliter permittente) sentiunt: plerique per hujuscemodî formidinem à levibus quibusque culpis purgantur.

* Habes exemplum Christi & S. Hieronionis in vita eius per S. Hieronymum; & aliorum quos pavor in morte aggressus est.

2. **C**um quo tamen accipere possumus mortem libenter.

Exemplo ipsius Christi Domini.

Matth. 26.

Christus Jesus volens consolari quoslibet electos suos, qui ex fragilitate humana ad mortis expectationem tædio affecti tristes sunt & trepidant, transtulit in se eorum infirmitatem, quando imminente passione pavens ac mœrens dixit. *Tristis est anima mea usque ad mortem.* Non ergo te à

Deo alienum esse existimes propter mœrorem quo gravaris. Transit ipsa tristitia cum fine: veniet lætitia sine fine.

Enchiridij Pat. voloru. Lib. 3.

Quamvis dolorum aculei pungant, & cruciatus undique torqueant: tu tamen patientiam serva, & persiste in sancta spe, sanctaque erga Deum fiducia. In omnibus abnega te, & trade ipsi Domino, subinde dicens id quod Redemptor tuus sub mortem angustijs pressus dicebat, *Pater, fiat voluntas tua*: sic enim requiem atque refrigerium invenies. Memento quia *sive vivimus, sive morimur, Domini sumus*: & sive vivimus, sive morimur, in illo benè nobis erit, si nos unitatem Ecclesiæ Catholicæ retinentes, pij atq; humiles sumus. Erigant animū tuum verissimam hæc verba Domini Jesu. *Qui credit, inquit, in me, etiam si mortuus fuerit, vivet: & omnis qui vivit, & credit in me, non morietur in æternum.*

3. Patientia in angore mortu cum spe bona & refignatione.

Matth. 26. Consolatio dulcissima.

Rom. 14.

Ioan. 11.

Non tibi videatur durum corporaliter mori, cum ipse Christus mortem carnis subierit. Ille præcessit, & veluti viam stravit, commodamque reddidit, ne te pigeret sequi: illius igitur mors mortem tuam soletur. Precare eum, ut illa sua pretiosissima morte tuam undique contegat, muniat, sanctificet, & sibi gratam reddat. Corpus istud corruptibile quod relinquis, velut amarus cortex nucis est, vile ac sordidum animæ vestimentum modò est. Quid ad te si computrescat, si in cinerem

4. Christus prægressus vit mortem, ut nobis dulcesceret.

Sachiri-
dij Par-
vulorū.
Lib. 2o

& favillam redigatur, ubi illud
deposueris? Securus exue vestem,
quam Deus tuus aliquando re-
stituet tibi integram, fulgidam,
atque incorruptibilem. Qui
Deum perfecte diligunt, resolu-
tionem suam cupidè expectant,
etiamsi non sine aliquo timore &
macerore ad eam fortè perveniant.
Quilibet talium istud cum gran-
di affectu Deo dicere potest: O
Domine, quando, te permittente,
corpus meum revertetur in pulve-
rem, & anima mea liberè refluet in
te suam originem?

CAPUT IV.

Contra anxietatem mortem ex incer-
titudine salutis post mortem
obtinendam.

1. Sufficere debet fidei morituro certitudo ea,
quod scit, Deum posse & velle salvare omnes humiles
& bona voluntate praevidentes.
2. Purgatorium timendum, sed cum resignatio-
ne in divinum beneplacitum, si nos eò vultis rele-
gare.
3. Sancta anima nolent salum ingredi, nisi
plene purgata.
4. Oratio pro defunctis multum prodest ad eorū
liberationem.

1.
Certum
est Deum
posse &
velle sal-
vare hu-
miles.

Fortè hoc te angit, quòd igno-
res quomodo te migrantem
Deus excepturus sit, utrū ad æ-
ternam paradisi requiem, an ad
transitoriam Purgatorij pœnam.
Non est necesse te aliquid horum
scire. Sicut tibi placet dulcedo
divinæ misericordiæ peccata di-
mittentis: ita displicere non de-
bet pulchritudo divinæ justitiæ
peccata expiantis. Perfecti viri,

quòd digniùs emendare possent
quidquid in benignissimum Re-
demptorem suum commiserunt,
parati essent non solum ad purga-
torium, verum etiam ad † inter-
num descendere, si divinæ justi-
tiæ decor id omninò exigeret.
Ista certitudo tibi sufficiat, quòd
habeas Dominum piissimum, qui
& potest & vult salvare te, si hu-
miliatus confidas in eo, non in te.
Multum illi placemus, quando
voluntatem ejus ita diligimus, &
providentiæ ipsius tam plenà fi-
ducia nos in spiritus humilitate
committimus, ut etiam nescire
gaudeamus, quid ipse circa nos
agat. Tu igitur ejus dispositioni
te totum credens, mortem lætus
expecta. Qua præsentè, egrede-
re securus ad Patrem clementissi-
mum, exoptans ut non minùs in
æternitate, quam in tempore u-
tatur te quemadmodum voluerit.
Egredere, inquam: non tanquā
carceri crudeliter ab eo manci-
pandus, sed tanquam sinu misero-

ricor.

† Nulla resignatio aut charitas tanta esse
potest, ut quis paratum se offerat ad ullam
culpam vel flagitium; sed, salva semper ma-
nente gratia, Dei citra peccatum, potest sese
quibus charitate ardens promptum offerre
Deo ac resignari ad quasvis pœnas aut sup-
plicia, etiam apud inferos æternum dura-
tura, si hoc sine ullo peccato nostro Deus
decernere vellet. Estque ille modus, quo
Reverendissimus Antistes Antuerpiensis
Ioannes Malderus, & passim Doctores apud
D. Thomam 2. 2. q. 26. art. 4. explicant re-
signationem Moysis Exodi 32. & Apostoli
Pauli Rom. 9. quando ille offert sese ut de-
leatur de libro vitæ; iste, ut anathema fiat
Non enim offerunt sese ut vel levissimā cul-
pam admittant, sed ut pœnam quamvis gra-
vissimam subeant, si ita Deo videatur.